

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-1658-6/16
Dana, 13.04.2016. godine
Sarajevo, Vrazova 11**

Na osnovu člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13), člana 70. stav 3. Zakona o javnim nabavkama Bosne i Hercegovine ("Službeni glasnik BiH" broj 39/14), Odluke o Privremenom planu javnih nabavki za 2016.godinu, preporuke Komisije za javne nabavke broj 01-08-1658-5/16 od 31.03.2016. godine i člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo, generalni direktor donosi sljedeću

**ODLUKU
o dodjeli ugovora ponuđaču
u postupku nabavke broj K- 01/16 za Lot 1**

I

Ugovor o nabavci i isporuci mobilijara za ambulantu Aneks u OJ DZ Novi Grad Javne ustanove Dom zdravlja Kantona Sarajevo, dodjelit će se ponuđaču: **R & S d.o.o. Sarajevo.**

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

O b r a z l o ž e n j e

Na osnovu Odluke Upravnog odbora Ustanove o Privremenom planu javnih nabavki za 2016.godinu broj 01-01-37-20/16 od 18.02.2016. godine, Odlukom o pokretanju postupka javne nabavke broj 01-03-1658/16 od 03.03.2016. godine, pokrenut je konkurentski postupak sa predmetom nabavke mobilijara i opreme za ambulantu Aneks u OJ DZ Novi Grad Javne ustanove Dom zdravlja Kantona Sarajevo. Obavještenje o nabavci objavljeno je na Portalu javnih nabavki dana 07.03.2016. godine pod brojem 29-7-1-6-3-9/16.

Ugovorni organ proveo je aktivnosti vezane na nabavku u skladu sa odredbama Zakona o javnim nabavkama BiH.

Kriterij za vrednovanje ponuda je "**najniža cijena tehnički zadovoljavajuće ponude**".

Nakon isteka roka za podnošenje ponuda, Komisija je utvrdila da nije bilo neblagovremenih ponuda te da su u zakazanom terminu, dana 25.03.2016. godine, ponude otvarane onim redom kojim su pristizale:

r/b	Ponudač	Datum prijema ponude	Broj protoklola	Ponuđena cijena sa PDV-om
				LOT 1
1.	HafeleBH d.o.o	22.03.2016	01-03-1959/16	5.858,19
2.	Adrialine d.o.o	23.03.2016	01-03-1984/16	6.623,72
3.	R&S d.o.o	23.03.2016	01-03-1990/16	6.027,02
4.	Derby Trade d.o.o	24.03.2016	01-03-2003/16	10.927,80
5.	Inter-com d.o.o.	25.03.2016	01-03-2040/16	6.486,32

Analizirajući ponudu ponuđača HafeleBH d.o.o Gračanica, za Lot 1, Mobilijar za ambulantu Aneks OJ DZ Novi Grad, utvrđeno je da ne sadrži Obavještenje o razvrstavanju pravnog lica prema kalsifikaciji djelatnosti koja je u vezi sa predmetom nabavke, a što je traženo tačkom 2.2. pod a) tenderske dokumentacije. Ponudač nije dostavio referenc listu sklopljenih ugovora kakó je to traženo istom tačkom pod e).

Shodno navedenom, ponuda ponuđača HafeleBH d.o.o. Gračanica, za Lot 1, Mobilijar za ambulantu Aneks OJ DZ Novi Grad, utvrđeno je da kao takva nije mogla biti predmet vrednovanja u skladu sa utvrđenim kriterijima iz Tenderske dokumentacije, zbog čega je neprihvatljiva za ugovorni organ.

Analizirajući ponudu ponuđača Inter - Com d.o.o. Zenica, za Lot 1, Mobilijar za ambulantu Aneks OJ DZ Novi Grad, utvrđeno je da ne sadrži Obavještenje o razvrstavanju pravnog lica prema klasifikaciji djelatnosti koja je u vezi sa predmetom nabavke, a što je traženo tačkom 2.2. pod a) tenderske dokumentacije.

Shodno navedenom, ponuda ponuđača Inter - Com d.o.o. Zenica, za Lot 1, Mobilijar za ambulantu Aneks OJ DZ Novi Grad, utvrđeno je da kao takva nije mogla biti predmet vrednovanja u skladu sa utvrđenim kriterijima iz Tenderske dokumentacije, zbog čega je neprihvatljiva za ugovorni organ.

Analizirajući sve pristigle ponude za Lot 1 Komsija konstatuje da tri ponude ispunjavaju sve formalno pravne, ekonomske i tehničke uslove tražene Tenderskom dokumentacijom te su kvalifikovane i kao takve mogu biti vrednovane.

r/b	Ponudač	Ponuđena cijena sa PDV-om
1	R & S doo Sarajevo	6.027,02
2	Adrialine doo Banja Luka	6.623,72
3	Derby Trade d.o.o. Brčko	10.927,80

Obzirom da je jedini kriterij vrednovanja ponuda bio najniža cijena tehnički zadovoljavjuće ponude, a ponuda ponuđača R & S doo Sarajevo se cijenom uklapa u planiranu vrijednost namjenskih sredstava predviđenih za ovaj postupak nabavke.

Tenderskom dokumentacijom određeno je da je izabrani ponudač dužan nakon prijema odluke o izboru dostaviti u roku od 5 dana original ili ovjerenu kopiju dokumenta (potvrda o izmirenim direktnim i indirektnim porezima) kojim potvrđuje Izjavu datu u Aneksu 5.

Uz obavezujuće dokumente koji su sastavni dio ponude izabrani ponudač ukoliko nije dostavio dokumente kojima dokazuje navode iz Izjava, obavezan je u ostavljenom roku dostaviti iste.

Imajući u vidu da prvorangirani ponuđač u ponudi nije dostavio potvrdu o izmirenim direktnim i indirektnim porezima dužan je istu naknadno dostaviti.

Cijeneći rang listu i kriterij za vrednovanje "najniža cijena tehnički zadovoljavajuće ponude, Komisija je jednoglasno dala **preporuku** da generalni direktor donese Odluku o dodjeli ugovora ponuđaču **R & S d.o.o. Sarajevo**, koji ispunjava zahtjeve ugovornog organa u formalno pravnom, ekonomskom i tehničkom smislu, za ukupnu cijenu iz ponude od **6.027,02 KM** sa uračunatim PDV-om (17%).

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 5 (pet) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

GENERALNI DIREKTOR

Prim. dr Milan Mjoković
spec. porodične/obiteljske medicine



Dostaviti:

-HafeleBH d.o.o.

Ul. Miričina bb, 75329 Gračanica

-Adrialine d.o.o.

Ul. Ilije Garašanina bb, 78000 Banja Luka

-R&S d.o.o.

Ul. Igmanska bb, 71320 Vogošća

-Derby Trade

Ul. Jovana Dučića br.1, 76100 Brčko

-Inter-com d.o.o.

Ul. Vrandučka br.71b, 72000 Zenica

- Tehn. sekretar Komisije JN

- a/a